

中國佛寺志叢刊

趙樣初



清・釋笑峰編

清・施閏章補輯

青原志略
(上)

廣陵書社

青原志略

青原志略，十三卷首一卷。释笑峰及其门人编稿，施闰章补辑，原书为清康熙刻本。

青原山位于江西吉安市东南十五公里处，海拔三一六米，为佛教名山，古迹甚多。青原山寺敕建于唐开元二十九年（741），为禅宗青原一系开创者行思的道场。行思幼年入道，参六祖于曹溪，受到器重，后出住青原山，学侣四至，遂成寺宇，曰净居寺。青原一系后分为曹洞、云门、法眼三派，尊行思为禅宗七祖。青原山至此声名大振。

青原志略全书十三卷首一卷，卷首为序文和发凡，收有许焕、黎元宽、施闰章、王辰、于藻所作的序，志书编纂的缘起。卷一至卷十三分别为山水道场、僧传、书院、碑铭、序、说、游记、纪事、疏引、书、诗、杂记等。清康熙间，笑峰大师曾创一稿，施闰章接手后加以搜集整理，志书未成，又嘱药地大师续之。药地大师的学人胡映日等又搜讨遗逸成杂记一卷，时任庐陵令居士于藻牵头刊印该志，

全书得以面市。原稿止收净居寺、安隐山，现青原志略环山四周皆收之，凡绕麓之庵观寺庙，先贤之古迹题咏，应有尽有。加之补辑者施闰章为进士出身，著名诗人，搜集资料者多为笑峰大师门人，所以该志总体质量较高。

背原山自古为著名游览胜地，尤以净居寺最为壮观，寺内有天王殿、大雄殿、毗卢阁等，尚有千人铜锅、百斤香炉、千斤大钟等古迹。

王明发

康熙己酉年新鐫

重刊
山志書

板存方丈樓

青原志序

天下佳山水不可勝數有盛傳焉者有僅傳焉者有竟不傳焉者其盛傳者必題詠之多也其僅傳者必題詠之寥寥也其竟不傳者必題詠之缺少或有之而不足貴也故山水以文重文尤以人重也蜀中諸境非少陵不著永州諸勝非子厚不顯文字之關於山水大矣哉吉州諸名山首推青原以其爲七祖道場也七祖思禪

師得法曹溪開化於此自有唐迄今修證者以爲龍象之淵藪遊覽者以爲煙雲之宅奧英靈比肩賢豪接踵蓋千餘年如一日也近嘯峯狀太師駐錫三載鐙焰彌輝愚者大師繼之宗風丕振山川生色枯荊再長夫豈偶然時守憲施愚翁先生以理學大儒契悟禪宗敬禮愚大師宜揚法雨若坡公之於佛印廬陵令于公慧男以政事之暇究心禪學方爲檀護禪堂有建歸

雲閣有建晚對軒有建惟山志一刻猶爲缺事
于公慨朕捐俸耕成之起自唐宋暨於昭代凡
鉅公名流高僧羽客一詩一文靡不備載并賢
勝蹟或遠或近靡不備紀當與匡廬諸題詠並
傳千古是天下之快書非一邑之勝記已也要
之青原以思公而傳得諸名賢之題詠而益傳
得愚大師以大手筆備載文蹟而益盛傳所謂
山水以文重尤以人重豈不信哉

吳門後學許煥拜艸



青原志略序

識山者不必山中之人惟其面目之真也樂山者亦山中之人亦非山中之人惟其性情之近也蓋面目可以對見如鏡之攝形性情可以合參如手之拊體能審乎是則山不得而遜矣藥地老人行其青原志略而屬寬序之又使洪浪兄因之豈以興公之任賦天台也而可無身至之乎不殊則以爲自家屋裏有進于在山中者

手蓋嘗試論之青原始終爲佛窟焉已矣此山
自李唐以前未顯及思祖居之乃始有名于一
時其間分合盛衰之故大可得而考也夫世所
謂兩甘露門者亦何其詞之盡然也哉夫鮑廬
陵之米者去而之石頭之路磨南獄之磚者轉
而開選佛之場此則江西湖南之禪有若交關
而無殊于易地耳惟是七祖名山衆謂之而然
且原本增銘奉重帝錫百世無改寧不與五祖

之破頭六祖之南華相爲鼎足山李唐而盡于
元越五六百歲禪師之起者四族亦可云疏亦
可云數自是厥後而祖所爲手插枯荆以讖其
再來者凡三榮矣萬曆間寂公有建立而一得
之比者笑老人主席弘法藥老人踵事增華則
一再得之每進益止靈地豈不以人哉雖殊學
仙之不至誠有如量海之難爲顧其前後左右
之際抑復未可遺也夫青原以淨居王之是也

而淨居之視朱陵如腹與背朱陵爲刺史闔家
棄官學道處僊佛同源蓋可想見至于聖域祖
關相距咫尺總在不落階級之中祖關顏魯公
書也顏去祖未遙故宜有此署蹟而聖域則王
文成與鄒文莊聶貞襄歐文莊羅文恭講學之
地五賢之祠啓焉其言語之妙雅與道親而其
書亦各滿家矣他若增擁三泉周益公之序記
亭名五笑徐師川之經營殿壁涪翁之詩山門

信國之榜許峰篆字段柯古之風流噴雪題名
胡邦衡之賞鑑制器尚象永和之密斯傳源河
窮源石勲之廟乃在法不孤起此其義乎藥老
人于是高座中五據令當易而別創歸雲之閣
以安禪觀構樂樹之堂以救生死于公慧男更
作晚對之軒于翠屏之下以與老人暢談諧而
析疑義則夫釣臺青又及爾出王待月迎風時
勤履蹟蓋不必侈言空諸所有也而其大指尤

歸重于儒佛之通杖人翁嘗言世尊堯孔竝有
托孤此意在人亦在山水青原于天下遂爲儒
佛輻輳之區然其初相依而興者其中亦不無
相逼而敝自鄒忠介移會館于寺門之外而後
乃相安至今而山志于是適就藥老人若曰西
陽秘籍實載禹經山長職官亦稽朝典倘所謂
是法住法位者吾何設焉原夫天下之寺皆處
乎山而淨居獨處乎水此實在泮橋門之象故

青螺有荆杏交參之題而陽明復自著曹溪宗
派樂山居士之目此語皆不爲欺今志屬草創
于笑公而大揚推于愚山使者即此皆可明儒
佛之通而益知山中之非山中之人也

佛弟子黎元寬題

